

## FRAMSELD TILSKIPUN FRAMKVÆMDASTJÓRNARINNAR (ESB) 2017/1009

2017/EES/67/72

frá 13. mars 2017

um breytingu á III. viðauka við tilskipun Evrópuþingsins og ráðsins 2011/65/ESB, að því er varðar undanþágu fyrir kadmíum og blý í glersíum og glerjum sem eru notuð í endurvarpsstöðlum, í því skyni að laga viðaukann að tækniframförum (\*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2011/65/ESB frá 8. júní 2011 um takmarkanir á notkun tiltekinna, hættulegra efna í rafbúnaði og rafeindabúnaði <sup>(1)</sup>, einkum a-lið 1. mgr. 5. gr.,

og að teknu tilliti til eftirfarandi:

- 1) Í tilskipun 2011/65/ESB er lagt bann við notkun blýs og kadmíums í raf- og rafeindabúnaði sem settur er á markað.
- 2) Ljósúgler sem inniheldur kadmíum eða blý er notað í ljóstækni á marga vegu fyrir margar gerðir af raf- og rafeindabúnaði. Kadmíum og blý eru hvort tveggja notuð vegna sérstakra ljóstæknieiginleika sem nást af notkun þeirra, eins og skarpri afmörkun sýnilegs ljóss óháð sjónarhorni.
- 3) Þó að til séu fjölbreyttir útskiptingarmöguleikar hafa staðgönguefnin ekki nægilega afmörkunargetu í öllum notkunarleiðum. Í þeim fáu tilvikum þar sem staðgöngukostir eru taldir hafa nægilega getu að því er þetta varðar eru efnin, sem notuð eru, of viðkvæm fyrir umhverfisaðstæðum við notkun og eru því ekki nógu áreiðanleg.
- 4) Í þessum skilningi henta staðgöngukostir ekki enn fyrir margskonar notkun og flókið er og tímafrekt að finna aðra valkosti, og því eru fimm ár réttlæt看leg tímallengd fyrir 1. til 7. og 10. flokk.
- 5) Tiltekin ljósúgler, sem innihalda kadmíum og/eða blý, ættu því að vera undanþegin til 21. júlí 2021 að því er varðar 1. til 7. og 10. flokk. Að teknu tilliti til nýsköpunarferla fyrir raf- og rafeindabúnaðinn sem um ræðir er ólíklegt að tímallengd þessarar undanþágu hafi skaðleg áhrif á nýsköpun.
- 6) Því ætti að breyta tilskipun 2011/65/ESB til samræmis við það.

SAMÞYKKT TILSKIPUN ÞESSA:

1. gr.

Ákvæðum III. viðauka við tilskipun 2011/65/ESB er breytt eins og fram kemur í viðaukanum við þessa tilskipun.

2. gr.

1. Aðildarríkin skulu samþykkja og birta nauðsynleg lög og stjórnsýslufyrirmæli til að fara að tilskipun þessari eigi síðar en 6. júlí 2018. Þau skulu þegar í stað senda framkvæmdastjórninni texta þessara ákvæða.

(\*) Þessi ESB-gerð birtist í Stjttíð. ESB L 153, 16.6.2017, bls. 21. Hennar var getið í ákvörðun sameiginlegu EES-nefndarinnar nr. 168/2017 frá 22. september 2017 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjttíð. ESB L 174, 1.7.2011, bls. 88.

Þau skulu beita þessum ákvæðum frá og með 6. júlí 2018.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau eru birt opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem þau samþykkja um málefni sem tilskipun þessi nær til.

3. gr.

Tilskipun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

4. gr.

Tilskipun þessari er beint til aðildarríkjanna.

Gjört í Brussel 13. mars 2017.

*Fyrir hönd framkvæmdastjórnarinnar,*

Jean-Claude JUNCKER

*forseti.*

VIDAUKI

Í stað b-liðar 13. liðar III. viðauka við tilskipun 2011/65/ESB komi eftirfarandi:

„13.b	Kadmíum og blý í glersíum og glerjum sem eru notuð í endurvarpsstöðlum	Gildir um 8., 9. og 11. flokk, fellur úr gildi: <ul style="list-style-type: none"> <li>— 21. júlí 2023 að því er varðar 8. flokk, lækningatæki til sjúkdómsgreiningar í glasi,</li> <li>— 21. júlí 2024 að því er varðar 9. flokk, vöktunar- og eftirlitstæki í iðnaði, og að því er varðar 11. flokk,</li> <li>— 21. júlí 2021 að því er varðar aðra undirflokkka 8. og 9. flokks.</li> </ul>
13.b.I	Blý í jónalituðum ljóssíuglertegundum	Gildir um 1. til 7. og 10. flokk, fellur úr gildi 21. júlí 2021 að því er varðar 1. til 7. og 10. flokk“
13.b.II.	Kadmíum í undirhúðuðum ljóssíuglerjum, að undanskildum búnaði sem fellur undir 39. lið í þessum viðauka	
13.b.II	Kadmíum og blý í glerjum sem eru notuð í endurvarpsstöðlum	